



# Pleiv s. Gions Mustér

## Rapport da gestiun 2018



**Impressum**

Editura: Pleiv s. Gions Mustér

Ediziun: 1100 exemplars

Stampa: La Tuatschina, Sedrun

© 2019 Pleiv s. Gions Mustér

Cuviarta: Il maletg principal digl altar ella caplutta a Disla. Declaraziun dil maletg mira pli anavos. – G. Tenner, 2019

## Invitaziun alla radunonza generala dalla Pleiv s. Gions/Mustér

**Venderdis, ils 5 d'avrel 2019 allas 20.15 uras  
en halla communal Cons/Mustér**

### Tractandas:

1. Beinvegni ed elecziun da dus dumbravuschs
2. Approbaziun dils protocols
  - a. Protocol dalla radunonza generala dils 17 d'avrel 2018
  - b. Protocol dalla radunonza extraordinaria dils 27 da november 2018
3. Rapports:
  - a. dil president dalla pleiv
  - b. dalla presidenta dil cussegl pastoral
4. Rapports da quen:
  - a. pervenda s. Gions Mustér
  - b. baselgia s. Gions Mustér
  - c. baselgia s. Bistgaun e s. Roc Segnas
  - d. baselgia s. Antoni Cavardiras
5. Rapport dils revisurs da quen e scarica alla suprastonza
6. Elecziuns:
  - a. president
  - b. ugau-baselgia s. Gions
7. Preventivs:
  - a. pervenda s. Gions Mustér
  - b. baselgia s. Gions Mustér
8. Fixaziun dil pei da taglia
9. Renovaziun casa pervenda: adattaziun dil credit
10. Orientaziuns
11. Undraziuns
12. Varia

La pleiv porscha a mintgin/a alla fin dalla radunonza in sempel refrestg.  
Cordial invit a nossa radunonza generala.

*Per la suprastonza dalla Pleiv s. Gions/Mustér:*

*Il president:  
Aldo Tuor*

*Il vicepresidente:  
Gion Tenner*

## Protocol

dalla radunonza generala dalla Pleiv s. Gions Mustér

Gliendisdis Pastgas, ils 17 d'avrel 2018 allas 19.00 uras en halla Cons

### Tractandas:

1. *Beinvegni ed elecziun da dus dumbravuschs*
2. *Protocol dalla radunonza generala dils 17 d'avrel 2017*
3. *Elecziuns:*
  - a) *ugadessa caplania Cavardiras*
  - b) *president/a dil cussegl pastoral*
4. *Rapports:*
  - a) *dil president dalla pleiv*
  - b) *dil vicepresident dil cussegl pastoral*
5. *Rapports da quen:*
  - a) *pervenda s. Gions Mustér*
  - b) *baselgia s. Gions Mustér*
  - c) *baselgia s. Bistgaun e s. Roc Segnas*
  - d) *baselgia s. Antoni Cavardiras*
6. *Rapport dils revisurs da quen e scarica alla suprastonza*
7. *Preventivs:*
  - a) *pervenda s. Gions Mustér*
  - b) *baselgia s. Gions Mustér*
8. *Fixaziun dll pei da taglia*
9. *Orientaziuns*
10. *Undraziuns*
11. *Varia*

### Beinvegni ed elecziun da dus dumbravuschs

Il president Aldo Tuor beneventa cordialmein tuts presents alla hodierna radunonza generala dalla Pleiv s. Gions. In special beinvegni fa el a nies plevon sur Georg Changeth sco era a msgr. avat Vigeli Monn ed a nies president communal Robert Cajacob, sco als anteriurs presidents dalla pleiv Otto Gienal e Leo Huonder. Diversas persunas han schau perstgisar per questa sera. Suenter ina cuorta oraziun da msgr. avat Vigeli san las tractandas vegnir deliberadas. L'invitaziun alla hodierna radunonza ei succedida ad uras e tenor nossa constituziun

cun publicaziun el feagl official dalla vischnaunca. Il rapport annual ei vegnius tarmess tier a tuttas casadas sin intschess dalla vischnaunca da Mustér.

Sin proposta dalla suprastonza vegn la gliesta da tractandas midada aschia che las undraziuns han liug avon la tractanda orientaziuns.

La gliesta da tractandas vegn approbada cun quella midada.

Sco dumbravuschs vegnan Sigisbert Manetsch e gerau Clemens Berther eligi.

## 2. Protocol dalla radunanza generala dils 17 d'avrel 2017

Il protocol dalla radunanza generala dils 17 d'avrel 2017 vegn approbaus unanimamein. Grond engraziament ad Jris Lombris per la redacziun dil protocol.

### 3. Elecziuns:

Tenor il turnus d'elecziuns croda il temps d'uffeci tier l'ugadessa dalla caplania da Cavardiras. Plinavon setracta ei d'eleger in president ni ina presidenta pil cussegl pastoral, quei muort l'abdicaziun da Gion Battesta Hosang che ha giavischau da remetter siu uffeci ord motivs da sanadad.

#### *– ugadessa dalla caplania da Cavardiras*

Alexa Schuoler-Mathiuët ei dapi 2011 ugadessa dalla caplania da Cavardiras. Ella fa quei cun grond anim e plascher ed ins astga constatar ch'ei funcziunescha fetg bein a Cavardiras. Alexa Schuoler enonuscha bein il menaschi dalla pleiv. Daniev ha ella aunc surpriu ad interim, ensemen cun Claudia Schmed sco substituta, il post da calustra a s. Gions. Legrevlamein eis ella sedeclarada pronta da star vinavon a disposiziun sco ugadessa dalla caplania da Cavardiras. Alexa Schuoler vegn reeligida unanimamein cun in grond applaus. Il president gratulescha ed engrazia ad ella per il grond engaschi e la buna collaboraziun.

#### *– president/a dil cussegl pastoral*

Gion Battesta Hosang ei staus president dil cussegl pastoral dapi igl onn 2012. Il presidi dil cussegl pastoral ei cumbinaus cun dabia lavur ed engaschi. Gion Battesta ha fatg quei cun grond anim e grond engaschi. El decuors dalla primavera 2017 eis el vegnius taccaus d'ina maligna malsogna, aschia ch'el ha giavischau da saver remetter igl uffeci. Nus havein cumpleina capientscha per quei e

giavischein ad el buna reconvalescenza e bia curascha.

Ozildi eis ei buca sempel dad anflar persunas ch'ein promptas da surprender responsablada e da s'engaschar pil beinstar general. Nus havein tschercau e giu grondas speronzas d'anflar inA successurA per quei post. Deplorablamein ei quei buca gartegiau alla suprastonza e sche nus anflein questa sera negin interessentA spontan per quei post, stuein nus schar vacant el. La suprastonza vegn a tschercau vinavon ina persuna adattada per quei post impuront.

### 4. Rapport dil president dalla pleiv

Sco usitau ei il rapport annual dil president cuntenuis el rapport da gestiun tarmess tier a tuttas casadas. Il president fa allusiun ch'igl extendiu rapport cuntegni ils eveniments essenzials digl onn vargau.

Cun in cuort memento seregorda il president dalla pleiv Aldo Tuor dallas parochianas e dils parochians che han bandunau nus el decuors digl onn vargau. 22 gadas ha il zenn grond annunziau la mort d'in convischin ni d'ina convischina. Il Segner detti ad els il ruaus perpeten ed a lur famiglias confiart e curascha!

Specialmein menziunescha il president la midada dalla calustra ella baselgia s. Gions. El beneventa ufficialmein sper la nova calustra Alexa Schuoler era sia substituta Claudia Schmed. In cordial beinvegni fa el era a Primus Solèr ch'ei responsabels pigl embelliment dalla baselgia ed a dunna Carmelia Carvalho che procura che la baselgia ed ils locals accessorics sesanflien adina en in schuber stan.

Alla fin da siu rapport annual exprima il president plaids d'engraziament. El engrazia en emprema lingia a nies plevon sur Georg Changeth per sia lavur pastorala en nossa pleiv, als augsegners gidonters sur Alexi

Manetsch, sur canoni Pius Venzin ed a sur Martin Bearth. In grond engraziament admetta el allas catechetas Corina Defuns, Olinda Hosang e Sabrina Sgier, al catechet Aluis Hosang sco era allas menadras dil „Salid dil Segner“ cun Corina Defuns alla testa per l'impurtonta instrucziun religiusa dils affons. In cauld e resentiu engraziament drezza el als commembers dil cussegl pastoral, allas calustras ed als calusters, allas lecturas, als ministrants ed allas ministrantas ed a tuttas e tuts che prestan en bia differentas funcziuns ed incaricas ina gronda ed impurtonta lavur per nossa pleiv. In special engraziament meretan las consuprastontas ed ils consuprastonts, sco era nossa secretaria. A tuttas e tuts in grond Dieu paghi persuerter.

### **5. Rapport dil cussegl pastoral**

Il vicepresidente dil cussegl pastoral Willi Lozza resumescha en cuorts plaids siu rapport annual. Siu grond engraziament drezza el aunc inaga a sur Georg. In special engraziament admetta el al president partent Gion Battista Hosang per sia gronda lavur sco president dil cussegl pastoral ils davos tschun onns. En num dil cussegl pastoral giavischa Willi Lozza ad el buna reconvalescenza. El engrazia a Rita Furger ed a Catarina Steger per biars onns survetsch enten recitar il rusari da morts ed a Corina Zanetti sco menadra dil *Salid dil Segner*. Nova menadra dil *Salid dil Segner* ei dunna Ursina Murer.

Bien engraziament a tuts per lur engaschi.

### **Rapport da quen**

*Pervenda s. Gions*

Il quen dalla pervenda siara tier expensas da frs. 404'698.70 ed entradas da frs. 408'179.05 cun in pign surpli d'entradas da frs. 3'480.35. Il capital agen dalla pervenda s. Gions munta a frs. 542'473.70.

Igl ugau-pervenda Willi Lozza declara detagliadamein las differentas posiziuns dil quen da menaschi.

*Rapport da quen: Baselgia s. Gions*

Il quen dalla baselgia s. Gions siara tier expensas da frs. 56'525.01 ed entradas da frs. 35'593.04 cun in surpli d'expensas da frs. 19'845.11. Il capital agen dalla baselgia s. Gions munta a frs. 102'342.09.

Igl ugau-baselgia Romeo Schmed declara detagliadamein las differentas posiziuns dil quen da menaschi. Il grond surpli d'expensas ei d'attribuir a duas posiziuns extraordinarias: D'ina vart ei vegniu installau in indrez automatic per arver e serrar la baselgia. Quei niev indrez ei secumprovaus cumpleinamein. Da l'autra vart ha ei dau cuosts extraordinaris per in pilotadi pil scaldament.

*Rapport da quen: Baselgia Segnas*

Il quen dalla baselgia s. Bistgaun e s. Roc a Segnas siara tier expensas da frs. 12'518.80 ed entradas da frs. 6'402.85 cun in surpli d'expensas da frs. 6'115.95. Il capital agen dalla baselgia a Segnas munta a frs. 237'940.73.

Igl ugau-baselgia Gion Tenner declara detagliadamein las differentas posiziuns dil quen da menaschi. Era egl avegnir eis ei da quintar cun in deficit annual da rodund frs. 6'000.00 per onn. Gion Tenner engrazia ad augsegners e tuts che segidan ella caplania sin ina moda u l'autra en ed entuorn baselgia.

*Rapport da quen: Baselgia Cavardiras*

Il quen dalla baselgia s. Antoni a Cavardiras siara tier expensas da frs. 11'401.25 ed entradas da frs. 27'588.35 cun sin surpli d'entradas da frs. 16'187.10. Il capital agen dalla baselgia a Cavardiras munta a frs. 236'193.28.

Lugadessa-baselgia Alexa Schuoler declara detagliadamein las differentas posiziuns dil quen da menaschi. Il supplement d'entradas ei

d'attribuir ad ina contribuziun federala vid la sanaziun dil tetg e dalla fatschada pagaus igl onn 2016.

Era Alexa Schuoler tarmetta salids d'engraziament a tuts collaboraturs dalla caplania da Cavardiras ed alla suprastonza dalla pleiv.

### **Rapport dils revisurs da quen e scarica alla suprastonza**

En num dils revisurs rapporta Claudius Berther: Ils revisurs da quen Pirmin Monn e Claudius Berther han controllau ils differents quens dalla pleiv, sco era tut ils fondos da baselgia e capluttas. Els attestan che tuttas contabilitads seigien menadas bein ed en uorden.

Sin proposta dils revisurs decida la radunonza generala unanimamein d'approbar ils quens administrativs e las bilanzas dalla pervenda, dalla baselgia parochiala s. Gions, dallas caplanias Segnas e Cavardiras sco era ils quens dils fondos da baselgia e capluttas, da dar scarica alla suprastonza ed als funcziunaris, d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

### **Preventivs 2018**

Il preventiv dalla pervenda preveda tier expensas da frs. 388'900.00 ed entradas da frs. 389'850.00 in surpli d'entradas da frs. 950.00.

Il preventiv dalla baselgia s. Gions preveda tier expensas da frs. 33'600.00 ed entradas da frs. 35'650.00 in surpli d'entradas da frs. 2'050.00. En ina dallas casas novas Sut Gliendas ha la pleiv affittau in grond tschaler per saver deponer statuas, kafanuns ed auter material dalla pleiv. Per endrizzar quei local ha la pleiv mess a disposiziun el preventiv in import da frs. 15'000.00.

### **Fixaziun dil pei da taglia 2019**

La radunonza generala approbescha unanimamein ils preventivs dalla pervenda e dalla baselgia s. Gions e fixescha il pei da taglia per 2019 sin 12 %.

### **Undraziuns**

Sco il president ha menziunau en siu rapport ei la collaboraziun da biaras e biars impurtonta per il beinstar dalla cuminonza cristiana en nosa pleiv. Tut quellas gidontras e quels gidonters meretan nies grond engraziament. E lu stuein nus era haver capientscha schiels remettan suenter in temps d'engaschament lur uffeci.

#### *Gion Battesta Hosang:*

Gion Battesta Hosang ei staus president dil cussegl pastoral dapi igl onn 2012. Il presidi dil cussegl pastoral ei cumbinaus cun dabia lavur ed engaschi. Il Gion Battesta ha fatg quei cun grond anim e grond engaschi. Biaras uras setracta ei da planisar, organiser e menar atras las differentas occurrenzas dil cussegl pastoral. El decuors dalla primavera 2017 eis el vegnius taccaus d'ina maligna malsogna, aschia ch'el ha giavischau da saver remetter igl uffeci. Nus havein cumpleina capientscha per quei e giavischein ad el buna reconvalescenza e bia curascha. Per ils gronds survetschs per la Pleiv s. Gions, il grond engaschi en sia funcziun da president dil cussegl pastoral e tras quei uffeci era commember dalla suprastonza, exprimn nus ad el in grond e resentiu engraziament. Vegli Dieus remunerar el per tut quei ch'el ha prestau pils concarstgauns e per la pleiv. In grond engraziament s'auda en quei connex al vicepresident dil cussegl pastoral Willi Lozza che ha surpriu interimisticamein las incaricas dil president.

*Corina Manetsch:*

Igl october 2016 ha ella surpriu il post da calustra da sias antecessuras Agnes Deflorin ed Ottilia Hosang. Ella ei s'engaschada da camifò e cun gronda perseveronza ed ella ha ademplier s'uffeci per nossa cumpleina cuntentientscha. Tut era adina pinau sco ei stueva esser, la baselgia era bein decorada ed adina en perfetg stan. Deplorablamein ha Corina denton stuiu far persenn ch'igl entir engaschi e tutta lavur da calustra mo sin sias duas schuivalas ei staus damemia. Nus deplorein ch'ella ei sedecidida da remetter s'uffeci, stuein denton haver capientscha per quella decisiun. Nus engraziein ad ella grondamein per la lavur prestada e per s'uffeci duront quei onn e miez. Ad ella giavischein nus tut bien en sia veta futura e sperein ch'ella anfi en in'otra occupaziun cuntentientscha e success.

*Christian e Rita Duff:*

Nies president Aldo Tuor astga honorar oz Rita Duff e s'iu consort Christian che han duront varga 30 onns tgirau la caplutta a Perdomat e procurau leu per uorden, han schubergiau la caplutta ed adina mirau per quei sanctuari: Ina veramein gronda prestaziun che mereta grond respect ed engraziament! Da niev supren Marcel Steger quella incarica. Nus engraziein ad el gia ordavon per s'uffeci.

Plinavon menziunescha il president las suandontas persunas ed engrazia a tuttas per bia onns survetsch en favur dalla pleiv:

Marlene Deflorin: reparter la communiun ed anteriura presidenta dil cussegl pastoral a Segnas

Annamaria Durschei: plirs onn stada lectura a Segnas

Corina Zanetti: stada commembra ella gruppa Salid dil Segner

Catrina Steger: Gruppa menadras rusari da

morts

Rita Furger: Gruppa menadras rusari da morts

## **10. Informaziuns**

Deplorablamein sto il president confruntar ils presents cun ina situaziun fetg tresta e per nossa pleiv era fetg difficila. La cunvegnientscha denter ils uestgius da Cuera e Kerala ei buca vegnida prolungida. Consequentamein sto sur Georg bandunar nossa pleiv. Nus deplorein quei zun fetg, stuein denton acceptar quella decisiun. Nus perdin cun sur Georg in premurau pastur dallas olmas, in bien plevon ed in zun simpatic carstgaun. Nus vegnin lu aunc a comunicar il termin definitiv ed era organisar in cumiau da nies plevon a caschun d'ina sentupada.

Ei vegn buca ad esser sempel da surmuntar quei temps. Augsegners stattan buca en colonna per saver surprendre ina pleiv. La suprastonza vegn a semetter ladinamein sin via e tschercar in niev plevon per nossa pleiv. Tochen lu stuein nus sperar sin igl agid da vart dalla claustra e d'avart dils spirituals pensiunai en nossa regiun.

## **11. Varia**

Sut varia giavisch negin dils presents il plaid. Allas 21.10 uras siara il president Aldo Tuor la radunonza generala 2018. Cun plascher offerescha la pleiv als presents in refrestg ed envida tuttas e tuts da star in mument da buna cumpignia.

*Per il protocol*

*Jris Lombris, secretaria*



## Protocol

dalla radunonza extraordinaria dalla Pleiv s. Gions Mustér  
mardis, ils 27 da november 2018 allas 20.15 uras en halla Cons

*Gliesta da tractandas:*

1. *Beinvegni ed elecziun da dus dumbravuschs*
2. *Elecziun d'ina presidenta dil cussegl pastoral*
3. *Sanaziun dalla casa pervenda: Credit da frs. 125'000.00*
4. *Informaziun davart la successiun dil plevon*
5. *Varia*

### 1. Beinvegni ed elecziun da dus dumbravuschs

Il president beneventa cordialmein tuts presents alla hodierna radunonza generala extraordinaria dalla Pleiv s. Gions. Ina sentupada extraordinaria ei stada necessaria, demai che la sanaziun dalla casa pervenda basegna il consentiment dalla radunonza generala.

In special beinvegni fa il president Aldo Tuor al president communal Robert Cajacob, al niev elegiu gerau Wendelin Jacomet, agl anteriur president dalla pleiv Linus Maissen, mo era a dr. Giusep Capaul sco representant da medias. La gliesta da tractandas vegn approbada sco presentada.

Sco dumbravuschs vegnan Battesta Lutz e Bruno Flepp eligi.

### 2. Elecziun dalla presidenta dil Cussegl pastoral

A caschun dalla radunonza generala dils 17 d'avrel 2018, suenter l'abdicaziun da Gion Battesta Hosang muort motivs da sanadad, havess la radunonza giu d'eleger in niev president/ina nova presidenta dil cussegl pastoral. Muort munconza da candidats/candidatas ei quei denton buca stau pusseivel. La suprastonza ha surpriu l'incarica da tscherchar in/a president/a per quella impurtonta cumissiun dalla pleiv.

Oz astga la suprastonza presentar dunna Jacinta Jacomet-Lombriser sco candidata per quei post. Ella ha gia surpriu sia incarica ed ei s'engaschada da camifò. La suprastonza propona alla radunonza l'elecziun da dunna Jacinta Jacomet sco nova commembra da suprastonza e presidenta dil cussegl pastoral. Unanimamein vegn Jacinta Jacomet elegida sco nova presidenta dil cussegl pastoral.

Jacinta Jacomet engrazia per la confidanza demussada e spera d'anflar buna accoglientscha tier tut las generaziuns en pleiv. Ella ei gia semessa plein engaschi vid la lavur e fa attents ils presents sin ina nova purschida dil cussegl pastoral: Ils 16 da december organisescha el in cant aviert d'advent en baselgia s. Gions.

### 3. Sanaziun dalla casa pervenda: Credit da frs. 125'000.00

Ina renovaziun interna dalla casa pervenda ei pli che necessaria. La suprastonza less nezegiar il temps suenter la partenza da sur Georg entochen l'arrivada dil niev plevon per far quellas lavurs da renovaziun. Las lavurs previdas survargan denton la cumpetenzza dalla suprastonza e basegnan ina decisiun dalla radunonza generala. Ina decisiun pér a caschun dalla proxima radunonza generala tonscha denton buca per saver exequir las lavurs ad uras. Ord quei motiv ha la suprastonza dalla Pleiv clamau ad ina radunonza extraordinaria.

Igl ugau-pervenda presenta il project en detagl. Ei setracta d'ina sanaziun interna dallas duas habitaziuns. La cuschina ella habitaziun dil plevon, sco era ils dus bogns vegnan renovai aschia ch'els corrispundan als basegns dil temps dad oz. Plinavon vegnan il teppis vegls remplazzai entras in parchet e las localitads vegnan coluradas da niev. Ultra da quei ein certas mobiglias veglias da remplazzar.

La calculaziun dils cuosts preveda in'expensa da rodund frs. 125'000.00 incl. ina reserva adattada per eventualas lavurs supplementaras nunprevidas.

Igl ugau-pervenda Willi Lozza explichescha cun maletgs la renovaziun prevedida.

Dalla discussiun vegn buca fatg diever.

La radunonza generala conceda unanimamein il credit da frs. 125'000.00 per la sanaziun interna dalla casa pervenda.

#### **4. Informaziun davart la successiun dil plevon**

Sur Georg ha bandunau nossa pleiv cun la fin uost 2018. Nus deplorein quei zun fetg e lein menziunar danovamein che nus havessen bugen salvau el vinavon en nossa pleiv. Suenter la decisiun digl uestgiu da buca pli vuler prolungir la cunvegnientscha cun igl uestg da Kerala ei quei denton buca stau pusseivel.

La suprastonza ha ladinamein entschiet ad encurir in successur per sur Georg. Quei ei succedi sin pliras vias. D'ina vart ei la piazza vegnida publicada en la "Schweizer Kirchenzeitung". Plinavon ha il president tschercau il contact cun biaras persunas ordeifer vischnaunca e cantun. Cun quels contacts ha el saviu informar davart la situaziun en nossa pleiv e supplicau dad intermediar eventuals candidats. Biars contacts ein era succedi cun plevons dad autras pleivs. Buca dad emblidar ein ils contacts ed ils discuors cun anteriurs plevons da s. Gions.

Fazit ei ch'igl ei buca pusseivel d'anflar plevons

svizzers, nundir plevons da lungatg romontsch. Il president ha finalmein giu contact cun quater interessents per la piazza da plevon a Mustér. Cun in candidat ha ei dau contacts a scret e per telefon entochen en l'America, a caschun da sia viseta en l'Europa ei in contact concret denton buca sedaus.

In auter candidat havess ademplier las pretensiuns per plevon a s. Gions. Leu ha denton igl uestgiu buca dau il consentiment per ina midada dalla piazza.

In tierz candidat ei s'annunziaus relativamein tard, cura che nus havevan gia annunziou ina candidatura agl oridinariat a Cuera. Quella candidatura havein nus saviu intermediar alla pleiv da Tujetsch.

Aschia sa la suprastonza presentar oz il suandont successur per sur Georg. El vegn engaschus sco administratur dalla pleiv e secloma Mathew Kurian Vazhakapara. El ei naschius ils 15 da matg 1970 en l'India ed ei spiritual dapi 2001. Actualmein eis el plevon ella pleiv St George a Kodimbala, ina pleiv el niev uestgiu Puttur. Sur Mathew ei gia staus avon ca. 10 onns cheu a Mustér sco substitut da sur Alexi che ha dil reminent saviu intermediar sur Mathew.

Sur Mathew sa entscheiver sia nova incarica cheu a Mustér pér cun l'entschatta fenadur 2019, demai ch'el sto aunc terminar en sia pleiv a Kodimbala la sanaziun dalla baselgia. En quei connex engraziein nus als plevons pensiunai (sur Alexi Manetsch, sur Giusep Venzin, a pader decan Bruno e ses confrars) per igl agid duront quei temps intermediar.

Vinavon sutlingiescha il president l'impurtonza da nos catechets che segidan ell'instrucziun religiosa da nos affons e giuvenils. Persuenter admetta el era ad els in cordial engraziament.

Discussiun: Marcel Manetsch fa allusiun che la

pleiv sa esser engrazieivla da puspei survegnir in agen plevon. El engrazia als catechets, alla suprastanza dalla pleiv mo era a tuttas dunnas che s'engaschan pil beinstar da nossa pleiv. Ils presents prendan enconuschientscha da quella informaziun.

## 5. Varia

Marcel Manetsch damonda suenter las extradadas d'urgenza en baselgia s. Gions.

Aldo Tuor: las portas ein adina aviartas duront ils survetschs divins, igl unviern eis ei quintau da far diever da quellas mo en cass d'urgenza.

Vinavon fa il president attents ils presents sigl artechel ch'ei cumparius oz ella Quotidiana, d'urar per in bien niev uestg.

Ils 7/8 da december ha la Pleiv s. Gions la quida da dar suttetg allas festivitads dall'ordinaziun sacerdotala e dalla messa nuviala da pader Paul Tobler dalla claustra Mustér.

Allas 20.50 uras siara il president Aldo Tuor la radunonza generala extraordinaria. El engrazia a parochianas e parochians per la presenza e pigl interess demussau enviers ils fatgs dalla pleiv.

*Per il protocol*  
*Jris Lombris, secretaria*

## Rapport dil president

Preziadas parochianas, preziai parochians

Papa Francestg ei ussa dapi sis onns alla testa dalla baselgia catolica. Il secund di dalla fiasta da Nadal ha el appellau a tuts cristians da semetter en di per di per lur cardientscha sco da siu temps sogn Stiafen. Carezia proximala e la fidonza en Diu enriheschien la veta dil carstgaun.

Gia per la tiarza gada astgel jeu presentar a Vus il rapport annual. Bugen less jeu resumar ils eveniments essenzials digl onn vargau.

### La pastoraziun /cumiau da sur Georg

A caschun dalla davosa radunonza generala hai jeu stuiu annunziar la demissiun da nies preziau plevon sur Georg. Cun la fin d'uoost ha el bandunau la pleiv. Deplorablamein ha igl uestg da Cuera buca prolungiu la convegnientscha cugl uestgiu da Mavelikara. Sin fundament da quei conclus ha sur Georg stuiu bandunar igl uestgiu da Cuera.

Suenter siu studi a Ruma ha sur Georg surpriu miez avrel 2013 l'administraziun da nosssa pleiv. Cun siu carisma e sia tenuta fetg aviarta ha el immediat giu buna accoglientscha tier nossas parochianas/nos parochians. El ha era spert empriu nies lungatg romontsch. A caschun dalla radunonza generala dalla pleiv dils in da matg 2015 ei sur Georg vegnius eligius unanimamein sco plevon a S. Gions. A caschun da siu davos survetsch divin dils 12 d'uoost 2018 en la baselgia a S. Gions ha la pleiv priu ufficialmein cumiau dad el. Nus deplorein zun fetg sia partenza e giavischein ad el en sia veta futura tut bien e gronda cuntentientscha. Bugen vegnin nus a seregurdar da siu temps sco plevon a Mustér.

A caschun dalla radunonza extraordinaria dalla pleiv dils 27 da november 2018 vein nus saviu presentar in successur. Sur Mathew

Kurian deriva medemamein sco sur Georg dall'India. El sa denton per differents motivs surprender sia nova incarica pér pigl'emprem da fenadur 2019. Bugen sperein nus ch'era il niev administratur sur Mathew anfi ton pli spert in bien access tier nossas parochianas e nos parochians.

Mo grazia ad in veramein grond e ferm engaschi da nies anteriur plevon sur Alexi Manetsch, da sur Giusep Venzin da Medel ed era cun agid dalla claustra eis ei reussiu da mantener in bien survetsch eucaristic en nosssa pleiv. Malgrad lur veta da pensiunar eis els s'engaschai da camifo ed han surviu a parochianas e parochians buca mo a Mustér, mobein era ellas pleivs da Tujetsch e Medel. Per tut quei engaschi meretan els grond laud ed engraziament.

### Collaboraziun cun las pleivs vischinontas

La collaboraziun denter las pleivs da Tujetsch, Medel e Mustér funcziuna oreifer. Cun la pleiv da Tujetsch essan nus danovamein secunvegni en connex cun l'incarica dubla da nies organist Claudio Simonet. Sur Giusep Venzin da Medel segida cun nus duront la vacanza da plevon a S. Gions. Communablamein ei il plan da messas vegnius elaboraus. Nus essan perschua di che la collaboraziun denter las pleivs da Sursassiala vegn egl avegnir pli e pli impurtanta.

### Nos morts

Il zenn grond ha annunziu el decuors digl onn vargau 16 gadas la mort d'ina parochiana ni d'in parochian. Tier tutta tristezza astgein nus sco pleiv esser loschs che tontas parochianas e tons parochians sustegnan las famiglias en malencurada cun lur presenza als survetschs divins funerals. Nus sperein ed essan perschua di ch'il Segner ei misericordeivels cun nos defuncts. Els ruaussien en pasch!

*Gion Battista Hosang* (16-10-1948 – 11-6-2018)

Mo treis meins sunter la radunonza generala dalla pleiv, nua ch'el veva demissionau sco president dil cussegl pastoral, ha il zenn grond annunziu sia mort. Igl εμπrem d'avrel 2013 eis el vegnius eligius sco president dil cussegl pastoral. Quei uffeci ha el adempli cun grond engaschi e gronda premura entochen ch'ina maligna malsogna ha mudergiau e spossau el. Bia dis ed uras ha el mess a disposiziun pil survetsch a favur dalla pleiv. Nus engraziein da cor per tutta lavur prestada, beinsavend che Niessegner vegn a tener quen tut las bunas ovras fatgas cheu sin tiara.

*Barla Valentina Tönz-Albin* (7-1-1930 – 3-01-2010)

Egl uclaun da Mumpé Tujetsch ha Barla Tönz tgirau la caplutta Sontgaclau naven digl onn 1986 entochen 2010, pia duront 24 onns, in liung temps che mereta gronda renconuschientscha ed engraziament. Detti Dieus ad ella la bein meritada pagaglia ed il ruas perpeten.

*Mathilda Lutz* (14-3-1928 – 16-1-2018)

Duront 57 onns ha Mathilda Lutz surviu sco casarina da sur Pius Venzin. 10 onns a Siat, 17 onns a Vrin e lu buca meins che 30 onns en casa pervenda a Segnas ha ella organisau e menau il tenercasa dil caplon da Segnas. Ils da Segnas seregordan dil bi iert e dallas bellezza fluras sin las crunas dalla casa pervenda. Bunamein sia entira veta ha ella cun perschasiun dedicau il survetsch ad in spiritual. Lein sperar ch'il Segner hagi detg ad ella: Stupent, di buna e fideivla survienta, entra ella letezia da tiu Signur.

### Instrucziun religiosa

Sco gia informau el davos rapport preveda igl urari da scola mo pli ina lecziun d'instrucziun religiosa. Ina dallas duas lecziuns d'entochen oz ei vegnida strihada e remplazzada entras

ina lecziun d'etica. Quella midada ei succedida cun igl onn da scola 2018/19. Era scolaras e scolaras da Medel/Lucmagn ein naven digl onn da scola integrai ell'instrucziun religiosa dalla scola da Mustér. Nus engraziein grondamein a nos catechets e nossas catechetas per lur impurtonta e buca adina sempla incarica. Gest en quei temps senza plevon ei igl engaschi dils catechets e dallas catechetas da muntada fetg essenziala ed impurtonta.

### Cussegl pastoral

A caschun dalla radunonza extraordinaria dalla pleiv dils 27 da november 2018 vein nus eligiu ella persuna da Jacinta Jacomet-Lombriser ina nova presidenta dil cussegl pastoral. Nus essan engrazieivels ch'ella ha surpriu quella impurtonta incarica e giavischein ad ella tut bien. Ella vegn en siu rapport annual ad informar davart las activitads els gremis dil cussegl pastoral.

### Fiestas ecclesiasticas

La baselgia gronda dalla claustra vegn duront ils onns 2018 e 2019 sanada ed ei aschia buca accessibla. La reavertura dalla baselgia claustrala ei preveda per la fiasta da s. Martin 2019. Nus selegrein grondamein ch'il convent festivescha ensemen cun nus differentas fiastas ecclesiasticas ella baselgia parochiala S. Gions. Aschia ha giu liug la procession da Sontgilcrest el quartier da Dulezi cun la benedicziun finala avon la casa Puntreis. Era a caschun dalla gronda fiasta da s. Placi vein nus astgau beneventar ils claustrals tier nus a S. Gions. Sco usitau han in orchester ed il chor dalla claustra embelliu il survetsch divin. En procession ein ils presents serendi avon porta dalla claustra ed han astgau retscheiver leu la benedicziun finala. Era Nadal han la claustra e la pleiv festivau communablamein en baselgia parochiala a S. Gions. Nus essan engrazieivels per quella biala collaboraziun denter claustra e pleiv.

Las ulteriuras festivitats ecclesiasticas han giu liug el ritmus da mintg'onn. La dumengia alva a S. Gions, las fiastas da perdanonza a S. Gions ed a Segnas e l'usitada processiu da s. Antoni a Cavardiras. Nus engraziein grondamein alla societad da musica, als chors-baselgia s. Gions e Segnas, sco era a tuttas autras uniuns che separticipeschan ed embelleschan nossas fiastas ecclesiasticas.

### **Radunonza generala dils exgardists dalla Svizra orientala**

Il 26 d'ost 2018 ha l'uniun dils exgardists dalla Svizra orientala salvau sia radunonza generala a Mustér. Msgr. avat Vigeli ha celebrau ina biala messa pontificala a S. Gions ensemen culs exgardists e la populaziun da Mustér. La guardia papala ha veramein fatg gronda impressiu cun sias bellezza uniformas duront il survetsch divin. A caschun d'in apero communabel sil plaz avon la casa Puntreis han parochianas e parochians giu la pusseivladad da s'entupar e tgirar contacs culs exgardists. Els han suenter igl apero salvau sia radunonza generala e gudiu in bien gentar cun lur famiglias en claustra.

### **Sanaziun casa pervenda**

A caschun dalla radunonza extraordinaria dalla pleiv dils 27 da november 2018 han ils presents concediu in credit da frs. 125'000.00 per ina sanaziun interna dalla casa pervenda. Differentas lavurs da sanaziun ein necessarias. Aschia vegn installau ina nova cuschina ed era las stanzas da bogn vegnan sanadas cumplettamein. In niev parchet vegn a remplazzar ils teppis vegls. Finalmein vegnan tuttas stanzas coloradas da niev.

### **Ordinaziun e primizia da pader Paul**

Venderdis, il 7 da december 2018 ei pader Paul dalla claustra da Mustér vegnius ordinaus spiritual. L'ordinaziun d'in spiritual en nossa

baselgia parochiala S. Gions ha ei tenor nies saver aunc mai dau. En ina fetg biala e digna messa ein stai representai - sper avat Vigeli e pader decan Bruno - gl'entir convent sco era muntgs e spirituals dad autras claustras e cuminonzas. Ils numerus visitaders han astgau assister ad ina ceremonia fetg biala ed impressiuonta. Avon l'ordinaziun ha pader Paul fatg pliras empermischuns che circumscrivan siu survetsch e sia incarica ella baselgia catolica. Fetg commuentond ei la litania da tut ils sogns, cantada da pader Theo stada. Silsunter han igl uestg e tuts spirituals presents tenui ils mauns sur pader Paul e plidau l'oraziun per la consecraziun. Il nievordinau spiritual ha retschert ils vestgius liturgics ed igl ei vegniu surdau ad el paun e vin sco segn per l'eucharistia. L'ordinaziun terminescha cun ina embratschada dil nievordinau entras tuts spirituals presents. Il chor dils students dalla claustra ha embelliu la fiasta cun in bi ed edificont cant.

Sonda, il 8 da december 2018 ha pader Paul festivaus sia messa nuviala medemamein a S. Gions. In grond pievel ha assistiu a pader Paul tier sia emrema sontga messa ed ha silsunter retschert la benedicziun primiziala. Ina messa nuviala a S. Gions, in eveniment extraordinari buca pli succedius dapi biars decennis. Nus essan loschs che pader Paul ha salvau sia messa nuviala a S. Gions e giavischein ad el bia forza e grazia per l'annunziaziun digl evangeli e per sia veta spirituala e claustrala.

### **Engraziament**


Sco mintg'onn s'auda ei d'engraziar. Biaras e biars prestan gronda lavur en tutta tgeuadad e meritassen da vegnir numnai persunalmein. Era sche quei ei buca pusseivel, sperel jeu era egl avegnir d'astgar sefidar dil grond engaschi e dil grond agid da Vus. A tuttas e tuts in grond e sincer engraziament.

In grond engraziament descha a sur Georg ch'ei staus nies plevon entochen la fin uost. Sco jeu hai gia menziunau, eis ei mo grazia al grond engaschi da nos plevons pensiunai sur Alexi e sur Giusep sco era digl agid dalla claustra stau pusseivel da mantener in bien survetsch pastoral en nossa pleiv. Ad els sco era als spirituals gidonters sur canoni Pius e sur Martin s'auda in grond engraziament per lur engaschi pastoral, per las visetas a nos malsaus e tut ils auters survetschs prestai. In engraziel fetg era alla venerabla claustra pigl agid e per la buna collaboraziun. Per l'instrucziun religiusa da nos affons meretan catechets e catechetas in grond engraziament.

Quei engraziel fetg meretan era tuts gidonters e tuttas gidontras dil cussegl pastoral, sco era las lecturas ed ils ordinaturs. Miu engraziament va era allas calustras, als organists ed als chors-baselgia, ad ugadessas ed ugaus-baselgia da nossas capluttas ed a tuttas e tuts che han contribuui al beinstar da nossa pleiv. E buca il davos in grond engraziament als commembers da suprastonza ed a nossa secretaria per sia gronda lavur administrativa.

Pil futur giavischel jeu a nus tuts sanadad, cuntentientscha e la benedicziun dil Tutpussent.

*Mustér, fevrer 2019*  
*Aldo Tuor, president*



*Survetsch divin da cumiau da sur Georg (da sen.: sur Martin Bearth, sur Georg Changeth e president dalla pleiv Aldo Tuor)*

## Rapport dil cussegl pastoral

Il cussegl pastoral ha giu dad ir alla tscherca d'ina presidenta/in president. Sco dapertut eis ei buca sempel d'anflar persunas che surprendan responsablidad. Ils motivs da quella situaziun ein multifars. Ils davos onns ha la Baselgia piars bia da sia credibladad. Las medias censureschan e vegnan a perseguitar vinavon sut marella las vegnentas activitads. Da volver semplamein il dies alla Baselgia ei la fallida soluziun. Ei duess esser ina gronda sfida per mintgin da nus da buca resignar sur dalla situaziun actuala.

Dapi igl atun 2018 essan nus senza plevon. Il pign diember da spirituals clericals, la sminuaziun da paders claustrals ed il cuntinuau digren dil diember da cartents, oravontut tier la giuventetgna, che frequentan aunc ils survetschs divins dattan da patertgar. Il motiv ch'jeu haiel la finfinala dau suatientscha da surprender il presidi dil cussegl pastoral sin la damonda da vicepresidente Willi Lozza ei il suandont: Avon entgins onns haiel jeu absolvii a Cuera la scolaziun d'organista che la "Kirchenmusikalische Ausbildung Graubünden" KIMUGR porscha. Els roms teoretics essan nus denter auter era vegni confruntai cun tematicas dalla liturgia e himnologia, aschia ch'il pensum da quei uffeci ei buca diltuttafatg jasters per mei.

Cun surprender l'incarica da presidenta sundel jeu sedumandada tgei fuormas ch'il cussegl pastoral savess en nies temps dad oz porscher per contonscher tut las generaziuns? Haver il dretg recept ei buc aschi sempel.

La Baselgia drova ina pleiv activa. Sulettamein "l'instituziun Baselgia" tonscha buca per esser Baselgia. Pli activa che la pleiv ei e pli carteivel che la Baselgia sa vegnir salvada.

Sper las activitads ch'il cussegl pastoral ademplescha durent in onn ei miu giavisch

da realisar successivamein mias finamiras cun agid e sustegn da mes consuprastonts<sup>1</sup>, commembers dil cussegl pastoral, persunas cun scolaziun teologica, pedagogic-religiusa e persunas interessadas dallas differentas gruppas. Sentupadas denter las generaziuns possibiliteschan da cultivar e tgirar cuminonza cun ils cartents da nossa pleiv. Talas sentupadas ligian ils carstgauns in cun l'auter e rinforzan l'atgna identitad comunabla. Cun agid e sustegn dalla suprastanza dalla pleiv, dils commembers dil cussegl pastoral, cun la participaziun da Vus preziai parochians, sperel jeu d'ademplier quei pensum per il beinstar e prosperar da nossa Pleiv s. Gions Mustér.

Concretamein laschel ussa suandar miu εμπrem rapport dil cussegl pastoral dalla Pleiv s. Gions. Il cussegl pastoral dalla pleiv Mustér ei in organ ecclesiastic che cusseglia e sustegn ils plevons en damondas da pastoraziun. En quei rapport sesprovel jeu da descriver la lavur ch'ils collaboraturs prestan durent in onn ora en las gruppas da lavur subordinadas ch'eiin suttamessas al cussegl pastoral.

Igl artist indigen Linus Flepp ha creau inlogo pil cussegl pastoral dalla Pleiv s. Gions Mustér. El logo exprima Linus la muntada e las incumbensas dil cussegl pastoral. Il cussegl pastoral collaborescha cul plevon e cusseglia quel en tuts fatgs da pastoraziun ed organisaziun parochiala. Ils commembers dalla gruppas s'occupeschan cun in ni plirs dils quater pensums fundamentals dalla Baselgia e lavur pastoral.

Per saver far in maletg dallas incumbensas ch'ils commembers dallas gruppas da lavur subordinadas al cussegl pastoral adempleschan, haiel jeu successivamein fatg ad ellas ina viseta.

<sup>1</sup> La formulaziun masculina dallas persunas e dils organs vala era per las persunas femininas.



*ruđi: cuminonza*



*maun che seğida*

*ils quater pensums*

## Logo dil cussegl pastoral

İls quater pensums senunnan:

### Liturgia

Liturgia ein rituals per ludar Diu e per profundar la cardientscha. La liturgia cumpeggia tuttas fuormas da survetsch divin, oraziun e cant, simbols, sacraments e benedicziuns, sco era vestgıus ed utensils che vegnan duvrai el survetsch divin.

### Annunziaziun

Il cristianissem capescha sut annunziaziun, il far paleis igl evangeli da Jesus Kristus, pia sia nuviala, sia veta e missiun. La fuorma classica schabegia entras il priedi respectiv la meditaziun el survetsch divin, denton era en la catechesa e scolaziun da carschi.

### Diaconia

Il plaid diaconia deriva dil lungatg grec e munta „survir“. Sut diaconia capeschan ins tut ils aspects dil survetsch al concarstgaun che schabegian en connex cun la baselgia. Las vertids cristianas dalla diaconia semuossan en solidaritad, cumpassiun, agid spontan e.a.v.

### Cuminonza

Ina cuminonza ligia ils carstgauns in cun l'auter, ella dat ina certa identitad. Negin sa esser cristian mo per sesez, igl esser baselgia sebasas sin la cuminonza. Gia Jesus ei buca viandaus persuls, el ha naven dall'entschatta da sia missiun rimnau giuvnals. Suandar Jesus e baghegiar vid il rReginavel da Diu ei perquei pusseivel mo da cuminonza.

### « Salid dil Segner »

Il survetsch divin preeucaristic che vegn numnaus «Salid dil Segner» ei stau mia emprema viseta nua ch'jeu haiel assistiu ad ina devoziun ch'ei dedicata als affons. Las commemoras dalla grupp che vegn menada da Corina Defuns ein Rosmarie Duff, Ursina Murer, Sonja Durschei e Regina Giger. Per quei onn han ellas eligiù il tema: «Jesus ei nies scazi prezius». Jeu sun stada impressiunda dalla gronda lavur preparatoria che schai davostier per saver festivar culs affons ina devoziun.

### Rapport dalla grupp „Salid dil Segner“

„Jesus ei nies scazi prezius“. Quei tema ha accumpignau uonn ils affons tras las devoziuns dil Salid dil Segner. Ina trucca gronda da scazis ei stada el center da mintga sentupada. Ord la trucca vegnevan ils scazis dalla sentupada cun Jesus: Historias, oraziuns, canzuns, tuttas caussas per la fiasta dil batten, scatlàs decoradas per l'oraziun dil babnos, eav. Ord ina trucca pintga da scazis han ils affons astgau prender cul giug da beinvegni in cural e rimnar quel en in satget. Il scazi ord quels curals, che duei regurdar che Jesus ei nies scazi prezius, retscheivan ils affons a caschun dalla devoziun da dumengia da palmas. Ell'emprema devoziun ein ils affons s'occupai cun la historia dil scazi egl èr. In scazi era zuppaus en in èr. In um ha anflau el e turnau a zuppar el, e dalla legria eis el ius ed ha vendiu tut siu fatg e cumprau igl èr (Mt 13, 44). Cun quella semeglia ha Jesus vuliu mussar als giuvnals ed a tuts quels che tedlavan el, con impurtonts ch'il reginavel dil tschiel duei esser per nus carstgauns.

Ella proxima devoziun ein ils affons sefatschentai cun la historia dalla scaffiziun e cun la damonda, co els san esser in scazi per auters. Nossa tiarza devoziun ei stada dedicata ad ina miracla da Jesus. Enten tucar cun ses mauns las ureglias e la bucca dil suord-met ha

Jesus medegau igl um. Ils affons ein sinaquei vegni animai da ponderar co nus savein duvvar nos mauns per far bunas ovras e cheutras rimnar scazis en tschiel.

Per la devoziun d'advent ella baselgia a Segnas havein nus eligiù il tema; „Segner, gida nus da daventar aungnels el mintgadi“. Biars aungnels zambergiai e signai cun buns giavischs per pasch e legria denter ils carstgauns pendan aunc adina vid l'empora en baselgia.

Il batten da Jesus el Jordan e nies agen batten, nua che nus daventein affons da Diu, ei stau il tema dalla devoziun dil schaner. Ella devoziun dil fevrer havein nus empriu l'oraziun dil babnos ed essan s'occupai cun la muntada dils plaid da quella oraziun. Enstagl d'ina carta per il cudischet han ils affons retschiert ina scatla decorada per metter lien l'oraziun.

Ella devoziun dil mars emprendan ils affons d'enconuscher la historia da Jesus che raquenta co el ha clamau ses emprems giuvnals. Cun la historia ed activitads praticas vegnan ils affons avischinai al fatg che nus essan aunc oz la finala tuts giuvnals da Jesus.

Sin nossa pagina dad internet *saliddilsegner.ch* san ins s'informar davart l'organisasiun ed ils datums dallas devoziuns, medemamein era davart nossa grupp da preparaziun. Plinavon san ins contemplar leu fotografias dallas devoziuns.

Ella grupp da preparaziun havein nus astgau beneventar Ursina Murer sco nova menadra. Nus admettein in cordial engraziament al cussegl pastoral, alla suprastonza dalla pleiv ed alla secretaria Jris Lombris-Manetsch per il sustegn e la confidanza.

In grond engraziament admettein nus era a tuts geniturs che sustegnan ed accumpognan lur affons sin via cun Jesus tier il Bab en tschiel.

*Per la grupp dil Salid dil Segner  
Corina Defuns.*

### Coordinaturs da sepultura

A caschun d'ina sepultura haiel accumulignau ils dus commembers Andreas Arpagaus e Baseli Lutz tier las preparativas da quella sepultura. En tutta tgeudad han ils dus coordinaturs ademplier sistematicamein lur pensums avon, duront e suenter la sepultura. Igl ei stau interessant da veser tgei pensums che vegnan realisai el zuppau dils dus coordinaturs da sepultura per che tut las funcziuns funeralas gartegien.

### Messa campestra a Caischavedra

Cun il survetsch divin ecumen la dumengia, ils 2 da settember 2018 ha sur Georg Changeth celebrau ensemen cun sur Roland Just siu davos survetsch divin avon che bandunar nossa pleiv. Ils affons che fan part dil «Salid dil Segner» han demussau lur engrazieivladad viers il plevon partent cun entginas canzuns e buns giavischs per sia veta futura.

### Messa cun uncziun dils malsauns ed attempai

En la biala baselgia da Nossadunna en claustra ei ina gronda raspada da parochians serimnada per assister al survetsch divin. Sur Alexi Manetsch e monsignur avat Vigeli Monn han celebrau il survetsch divin cun uncziun dils malsauns ed attempai che vul porscher forza, confiart e speronza ella veta da mintgadi. Suenter quei survetsch divin ha il cussegl pastoral offeriu in refrestg a tuts participonts. Quella sentupada ha dau caschun da star da cumpignia e menar in bien discuors cun in e cun l'auter.

### Messa en honor da s. Clau

Ils 8 da december 2018 ha sur Giuseppe Venzin preparau e celebrau in survetsch divin festiv en honor da s. Clau cun collaboraziun dils Sontgaclus, la fumeiglia e scolars dalla scola primara e dil scalem superiu. Numerus parochians han assistiu a quei survetsch divin.



### **Messa en honur da s. Hubert**

Era uonn han la secziun da catschadurs Péz Alpetta ed ils sunacorns Badus embellii il survetsch divin cun bialas melodias. La participaziun dils parochians ei deplorablamein sereducida ils davos onns. Suenter messa ha il cussegl pastoral offeriu in aperitiv a tuts visitaders.

### **Lecturas**

A caschun dils survetsch divins e las devoziuns adempleschan las lecturas in impurtont uffeci enteifer la Baselgia.

### **Nossadunna da candeilas**

Igl 1 da fevrer 2019 festivein nus la presentaziun da Jesus el tempel che nus numnein *Nossadunna da candeilas*. Parochians serimnan avon casa da scola. Suenter la benedicziun dallas candeilas entras sur Alexi Manetsch ei vegniu semess sin via el stgir cun candeilas ardentas entochen sin claustra. Naven dalla cripta da s. Placi, nua ch'il convent claustral ei il medem mument era serimnaus ed ha benediui sias candeilas, vegn cuntinuau communablamein la processiuun entochen en baselgia da Nossadunna. Ensemen cun il convent claustral han monsignur avat Vigeli Monn e sur Alexi Manetsch celebrau il survetsch divin.

### **Cant aviert d'advent**

Ina dallas finamiras ch'jeu haiel tschentau ha il cussegl pastoral saviu realisar cun l'emprema sentupada dil cant aviert d'advent. Duront tschun exercezis ei vegniu preparau las canzuns ed ils tocs musicals cun ina gruppa da cant e tschun scolars dalla scola primara e dil scalem superiur.

En baselgia s. Gions ella glisch dallas candeilas ha la sentupada giu liug la tiarza dumengia d'advent. Nus havein cantau da cuminonza canzuns d'advent e da Nadal, meditau sur

dalla muntada digl advent ed udiu la historia digl aunghel da Nadal. Il cussegl pastoral ha giu grond plascher che tonta glieud han dau suatientscha a nies invit, cantau e meditau duront ina uretta.

### **Festivitat da Nadal 2018 el Center da sanadad Puntreis**

Il cussegl pastoral ei vegnius dumandaus da preparar la devoziun dalla festivitat da Nadal el Center da sanadad Puntreis. Laurenzia Cajacob ha elaborau ina biala devoziun cun il motto: «Glisch ei vegnida en la stgiradetgna». Alla festivitat da quella devoziun han sper Laurenzia era Cecile Schuoler, collaboratura dalla casa, e sur Alexi Manetsch cooperau. Ils tocs musicals ed igl accumpignament dallas canzuns ein vegni sunai alla ghitarra entras il menader dalla casa, Diego Deplazes, ed al clavazin da Jacinta Jacomet-Lombriser.

### **Salit da Nossadunna per nos defuncts**

Cun ina devoziun ils 4 da november 2018 ein las lecturas Ermelinda Casanova e Renata Maissen seregurdadas en special da tut ils defuncts ch'il Signur da veta e mort ha clamau tier el. Medemamein ei vegniu seregurdau da tut nos defuncts, geniturs, fargliuns, partenaris, parents, amitgs ed enconschents che ruaussan en nies santeri.

### **Adoraziun tgeua cun exposiziun dil Sontgissim**

Dumengia, ils 2 da december 2018 han ils parochians giu la pussevividad da serender en baselgia, envidar ina candeila e far meditaziun persunala. Uonn han ils visitaders astgau enramar il text «Advent 2018». Alla finiziuun dall'adoraziun tgeua ha sur Alexi Manetsch fatg ina cuarta devoziun en baselgia parochiala che glischava da tontas candeilas avon il Sontgissim.

### **Retscheiver la bara**

Tier in mortori retscheivan las personas dalla grupp funerala la famiglia dil defunct cun la bara/urna. Ensem cun la famiglia vegn celebrau ina devoziun da cumiau.

### **Rusari da morts**

A caschun d'in mortori vegn recitau pil defunct il rusari en baselgia s. Gions ni Segnas. Cun l'oraziun comunabla savein nus sco cuminonza cristiana porscher confiart e consolaziun als pertuccai e gidar els a purtar lur crusch.

### **Communiun als malsauns ed attempai**

Sin givisch dils parochians viseta Rita Furger nos malsauns ed attempai e porta ad els inaga al meins la s. Communiun.

### **CatechetAs da scola**

Dapi il niev onn da scola dat ei mo pli in'ura da ductrina per jamna en scola. Ils catechets da scola han ina gronda sfida d'accompagnar ils affons sin la via da cardientscha. La secunda ura vegn dada dils scolasts dad etica.

### **Sentupadas dils ministrants**

In cordial engraziament meretan nos ministrants per lur survetsch a caschun dils survetschs divins en favur da nossa cuminonza. Cun sustegn ed accompignament dils geniturs sperein nus d'astgar sefidar vinavon da lur survetsch.

### **Aperitivs**

A caschun dalla fiasta da Dumengi'alva ha il cussegl pastoral offeriu suenter messa in aperitiv en halla Cons. Ils affons cun lur famiglias, hospis ed era parochians da nossa pleiv han astgau guder las bialas produczions dalla societad da musica e dalla grupp da tamburs da Mustér. Medemamein ei vegniu offeriu igl aperitiv a caschun dil survetsch divin

en honor da sogn Hubert. Quellas sentupadas dattan caschun da viver cuminonza.

### **Uorden da processions**

Igl uorden da procession, seigi quei dil Venderdis sogn ni per la fiasta da sogn Gion Battista, vegn organisaus dils commembers dil cussegl pastoral tenor il carnet da duers. Il cussegl pastoral ademplescha sias incaricas cun las preparativas dallas fiastas e tradiziuns ecclesiasticas. Co fussen nossas fiastas senza il cant dils chors baselgia, las bialas melodias dalla Societad da musica da Mustér, la parada dall'unioniun da giuventetgna ed ils numerus voluntaris? Nus sperein che nus vegnien era el futur da mantener quella biala tradiziun.

### **Viadi ell'India – Pleiv s. Gions Mustér**

Ils 4 – 20 da november 2018 ein parochians e vischins dad autras pleivs stai sin viadi en la patria da sur Georg. Las 25 personas han buca schau munchentar quei eveniment particular. Ei ha dau duas seras d'informaziun entras sur Georg Changeth, Dr. Stephan Leimgruber, Pater Francis Venmenikattayil e Rita Furger sur dil viadi. A mintga partecipont ha Rita Furger surdau in grondius program en fuorma da brochura cun informaziuns ed explicaziuns davart historia, politica, lungatgs, economia, energia, agricultura, religiuns ell'India ed aunc bia auter ord la patria da nies plevon sur Georg.

### **Unfrenda da cureisma**

Lunfrenda da cureisma vegn rimnada sco usitau la dumengia da palmas en la baselgia s. Gions Mustér, da s. Bistgaun e s. Roc a Segnas ed en baselgia da s. Antoni a Cavardiras. Quella unfrenda ha purtau la summa da frs. 4'951.40. En num dall'organisaziun «Fastenopfer» ed en nies num admettein in grond Dieus paghi persuenter.

### **Eleccziun/Reeleccziun**

Culla radunonza generala dalla pleiv va il trienni dil cussegl pastoral 2016 – 2019 alla fin. Il vicepresidente Willi Lozza ha abdicau. El ha tgamunau il davos onn il cussegl pastoral entochen mia eleccziun. Tut ils auters commembers ein sedai promts da seschar reeleger per ina ulteriura perioda. Duront quei cuort temps ch'jeu haiel astgau luvrar ensemen cun Willi el cussegl pastoral haiel jeu survegniu investa da sia preziosa, cunscienziusa e gronda lavur en favur da nossa pleiv. En num dil cussegl pastoral admittel jeu in resentiu engraziament per tut sia lavur prestada el cussegl pastoral.

### **Engraziament**

Sco Vus saveis prender ord il rapport vegn ei fatg bia lavur enteifer in onn per il beinstar da nossa pleiv. Nus essan fetg engrazievcls a sur Alexi Manetsch, sur Giusep Venzin ed ils paders dalla claustra ch'ein sedai promts da segidar en la pastoraziun duront quei temps che nossa pleiv ha negin plevon.

In special engraziament admittel jeu als commembers dil cussegl pastoral ed a tuts

funcziunaris dallas differentas gruppas dil cussegl pastoral. Per buca emblidar enzatgi admittel jeu a tuts ch'ein segidai sin ina moda ni l'otra cun plaid e cussegl in resentiu engraziament.

Lein demussar che la situaziun actuala dalla Baselga fatschenta nus e perquei lessel jeu encuraschar ils parochians da s'engaschar ed aschia procurar per ina pleiv activa. Ina pleiv astga buca mo funcziunar, ella sto cultivar, tgirar, viver cuminonza e star activa.

Cun sustegn da tuts cartents sperel jeu egl avegnir sin ina buna e fritgeivla collaboraziun e da saver realisar ina u l'otra finamira per in prosperar da nossa pleiv.

Per concluder miu rapport giavischel jeu che nossa pleiv Mustér survegni in bien augsegner, in ver pastur dallas olmas. Lein esser engrazievcls, haver ina buna demananza, salvar il respect vicendeivel viers in e scadin che s'engascha per la cuminonza.

*Mustér, fevrer 2019*

*Per il cussegl pastoral*

*Jacinta Jacomet-Lombriser, presidenta*



*Il cussegl pastoral ha saviu realisar cun l'emprema sentupada il cant aviert d'advent.*

## Quen dalla pervenda s. Gions per 2018

<b>Expensas</b>	<b>31-12-2018</b>	<b>31-12-2017</b>
<b>Salaris pleiv Mustér</b>	<b>267'837.25</b>	<b>295'020.20</b>
Salaris augsegners	61'866.80	86'230.20
Salaris personal gidonter	72'391.50	83'614.40
Substituziuns	16'464.00	1'492.00
Ductrina	66'789.80	66'798.10
Fotocopias scola Mustér	626.00	2'548.50
Cudischets d'oraziun	3'633.60	
Giuventetgna Cadi	12'124.90	11'910.30
SVS assicuranza sociala	12'048.90	16'024.90
Indemnisaziun suprastonza	11'195.00	11'260.00
Segiradas d'accident	2'207.15	2'760.20
Cassa da pensiu	7'733.45	12'381.60
Instrucziun da lungatg	756.15	
<b>Contribuziuns</b>	<b>13'787.50</b>	<b>22'300.00</b>
Diversas contribuziuns	787.50	6'300.00
Baselgia s. Gions	8'000.00	8'000.00
Cussegl pastoral	4'000.00	4'000.00
Instituziuns culturalas	1'000.00	4'000.00
<b>Casas pervenda/schischom</b>	<b>62'236.65</b>	<b>7'340.05</b>
Manteniment	11'773.30	240.00
Mobiliar ed indrezs	174.50	41.65
Taxas annualas	1'306.95	1'325.65
Manteniment indrezs	975.90	665.40
Electricidad casa pervenda	900.20	939.80
Ieli casa pervenda	4'140.40	3'079.40
Segiradas casa pervenda	919.30	1'001.65
Segiradas schischom	46.10	46.50
Renovaziun casa pervenda	42'000.00	
<b>Caplania Segnas</b>	<b>22'761.35</b>	<b>23'417.35</b>
Salaris personal gidonter	20'593.45	20'344.30
Substituziun		210.00
Taxas annualas	739.75	762.15
SVS assicuranza sociala	678.60	675.85
Segiradas d'accident	97.10	94.80
Segiradas casa pervenda	652.45	759.10
Manteniment casa pervenda		571.15
<b>Caplania Cavardiras</b>	<b>13'021.25</b>	<b>13'848.25</b>
Salaris augsegners		630.00
Salaris personal gidonter	10'885.00	10'815.95

<b>Expensas</b>	<b>31-12-2018</b>	<b>31-12-2017</b>
Taxas annualas	634.60	529.45
SVS assicuranza sociala	60.55	60.35
Segiradas d'accident	46.95	47.60
Segiradas casa pervenda	213.95	215.80
Manteniment casa pervenda	1'130.20	1'549.10
Electricidad e manteniment tualetta publica	50.00	
<b>Diversa</b>	<b>19'337.06</b>	<b>42'772.85</b>
Material da biro	479.25	1'096.85
Apparaturas da biro	1'218.00	
Indrez da fotocopiar	1'664.00	3'072.70
Access internet	1'626.35	2'022.80
Spesas da banca	135.05	153.90
Telefon	750.00	648.60
Francaturas, porto	368.80	839.50
Divers regals / occurenzas	3'389.35	7'410.15
Donaziuns	500.00	1'000.00
Rapport annual	2'381.90	2'862.25
Archiv	1'290.00	510.00
Radunonza generala	1'516.55	2'236.60
Diversas expensas	1'855.81	2'656.30
Taxas radio e televisiun	303.55	520.70
Stalla da Nadal		1'742.50
Manteniment baselgia s. Gions	447.90	
Indrez localitad Sut Gliendas	1'410.55	16'000.00
<b>Total expensas</b>	<b>398'981.06</b>	<b>404'698.70</b>
<b>Entradas</b>		
<b>Taglias / contribuziuns</b>	<b>397'769.75</b>	<b>403'333.90</b>
Taglia pleiv	323'476.25	323'114.40
Baselgia catolica dil cantun Grischun	41'621.00	46'886.00
Taglia alla fontauna cantun Grischun	32'672.50	33'333.50
<b>Tscheins</b>	<b>4'658.25</b>	<b>4'845.15</b>
Tscheins activs	248.80	370.15
Tscheins casa pervenda Cavardiras	3'600.00	3'600.00
Tscheins schischom	638.00	638.00
Diversas entradas	171.45	237.00
<b>Total entradas</b>	<b>402'428.00</b>	<b>408'179.05</b>
Total entradas	402'428.00	408'179.05
Total expensas	398'981.06	404'698.70
<b>Surpli entradas/expensas</b>	<b>3'446.94</b>	<b>3'480.35</b>



**Bilanza dils 31 da december 2018**

<b>Activas</b>	<b>31-12-2018</b>	<b>31-12-2017</b>
<b>Total mieds finanziais</b>	<b>591'914.64</b>	<b>568'469.55</b>
Contocurrents	168'170.34	138'974.55
Contos da spargn	422'891.53	422'674.05
Assegn Banca Raiffeisen Cadi	200.00	200.00
Taglia anticipada	78.47	120.95
Emprest sur Georg		6'500.00
Activas transitoricas	574.30	
<b>Total mieds administrativs</b>	<b>6.00</b>	<b>6.00</b>
Casa pervenda	1.00	1.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
<b>Total activas</b>	<b>591'920.64</b>	<b>568'475.55</b>
<b>Passivas</b>		
<b>Total capital jester</b>	<b>46'000.00</b>	<b>26'001.85</b>
Passivas transitoricas	46'000.00	26'001.85
<b>Total capital agen</b>	<b>542'473.70</b>	<b>538'993.35</b>
Capital agen	517'473.70	513'993.35
Reserva casa pervenda	25'000.00	25'000.00
<b>Sperdita/gudogn</b>	<b>3'446.94</b>	<b>3'480.35</b>
<b>Total passivas</b>	<b>591'920.64</b>	<b>568'475.55</b>

*Mustér; ils 8 da schaner 2019*  
*ugau-pervenda*  
*Willi Lozza*

## Quen dalla baselgia parochiala s. Gions 2018

<b>Expensas</b>	<b>31-12-2018</b>	<b>31-12-2017</b>
Uorden per il survetsch divin	4'579.10	2'732.90
Embelliment dalla baselgia (flurs, candeilas)	3'422.15	1'978.85
Assicuranza da baghetgs	2'915.45	2'942.10
Assicuranza digl inventari	2'538.10	2'906.40
Energia, scaldament, glisch	7'798.40	7'746.45
Cudischs	1'073.85	400.26
Publicaziuns Fegl ufficial etc.	1'228.60	1'253.90
Abonnaments per man. d'apparaturas	473.00	506.15
Divers quens da reparaturas e manteniment	7'202.35	7'004.95
Installaziun per arver automaticamein l'escha	0.00	7'431.25
Manteniment dil scaldament	0.00	14'604.85
Honorar ordinaturs	925.00	1'025.00
Contribuziun ministrants	500.00	500.00
Contribuziun chor baselgia	2'000.00	2'000.00
Taxas da rumians, canalisaziun ed aua	2'202.75	2'206.75
Tscheins per il local a Sut Gliendas	3'000.00	0.00
Diversas expensas	87.80	1'160.25
Spesas da banca, portos	100.70	124.95
<b>Total expensas</b>	<b>40'047.25</b>	<b>56'525.01</b>

<b>Entradas</b>		
Unfrendas	13'802.15	15'909.90
Donaziuns	500.00	420.00
Contribuziun pleiv s. Gions	8'000.00	8'000.00
Contribuziun fondo messas fundadas	12'800.00	10'000.00
Diever baselgia, concerts etc.	150.00	1'000.00
Tscheins dretg alp Cristallina	250.00	250.00
Vendita cudischs	50.00	200.00
Diversas entradas	100.00	0.00
Restituziun taglia anticipada	315.00	315.00
Tscheins capital	585.00	585.00
<b>Total entradas</b>	<b>36'552.15</b>	<b>36'679.90</b>

Total entradas	36'552.15	36'679.90
Total expensas	40'047.25	56'525.01
<b>Surpli expensas</b>	<b>-3'495.10</b>	<b>-19'845.11</b>

**Bilanza per ils 31 da december 2018**

<b>Activas</b>			<b>31-12-2018</b>	<b>31-12-2017</b>
Conto current nr. 11079.72			28'846.99	32'342.09
Daner a termin nr. 11079.20/1290	1.50%	20.01.2012 - 20.01.2019	40'000.00	40'000.00
Daner a termin nr. 11079.20/1640	1.00%	07.11.2013 - 07.11.2020	30'000.00	30'000.00
<b>Total activas</b>			<b>98'846.99</b>	<b>102'342.09</b>

<b>Passivas</b>				
Capital agen			102'342.09	122'187.20
Sperdita			3'495.10	19'845.11
<b>Total passivas</b>			<b>98'846.99</b>	<b>102'342.09</b>

*Mustér, ils 24 da schaner 2019*  
*úgau-baselgia*  
*Romeo Schmed*

## Quen dalla baselgia s. Bistgaun e s. Roc Segnas 2018

<b>Expensas</b>	<b>31-12-2018</b>	<b>31-12-2017</b>
Uorden per survetsch divin	332.54	159.00
Embelliment dalla baselgia	1'985.90	836.25
Assicuranza da baghetgs	689.95	696.25
Assicuranza d'inventari	554.10	639.40
Forza electrica	3'379.60	2'867.85
Servis d'orgla e tuchiez	635.50	779.40
Diversas reparaturas	410.85	1'560.55
Restauraziun mirs-baselgia	599.00	4'233.60
Taxas da rumians, canalisaziun, aua, polizia da fiug	528.60	529.40
Spesas da banca, porti	23.00	22.00
Meglieraziun funsila Mustér	25.00	
Uniun da calusters		55.00
Diversa		140.10
<b>Total expensas</b>	<b>9'164.04</b>	<b>12'518.80</b>
<b>Entradas</b>		
Unfrendas	3'522.40	4'164.50
Donaziuns		
Tscheins capital	58.05	59.40
Contribuziun cassa da candeilas	911.50	2'178.95
<b>Total entradas</b>	<b>4'491.95</b>	<b>6'402.85</b>
Total entradas	4'491.95	6'402.85
Total expensas	9'164.04	12'518.80
<b>Sperdita</b>	<b>-4'672.09</b>	<b>-6'115.95</b>

**Bilanza per ils 31 da december 2018**

<b>Activas</b>	<b>31-12-2018</b>	<b>31-12-2017</b>
Conto da spargn Banca cantunala	232'055.95	235'983.30
Conto da spargn Banca Raiffeisen	803.39	1'957.43
Transitoricas activas	409.30	
<b>Total activas</b>	<b>233'268.64</b>	<b>237'940.73</b>
<b>Passivas</b>		
Capital agen all'entschatta digl onn	237'940.73	244'056.68
Sperdita	-4'672.09	-6'115.95
<b>Total passivas</b>	<b>233'268.64</b>	<b>237'940.73</b>

*Segnas, ils 3 da schaner 2019*

*ugau-caplania*

*Gion Tenner*

## Quen dalla baselgia s. Antoni Cavardiras 2018

<b>Expensas</b>	<b>31-12-2018</b>	<b>31-12-2017</b>
Energia, scaldament, glisch	4'848.30	4'061.10
Assicuranzas	1'468.95	1'558.95
Taxas annualas; aua, rumians	574.90	575.55
Candeilas, devoziunalias	3'209.50	3'088.00
Spesas da banca	12.00	12.00
Manteniment orgla	327.00	325.00
Manteniment tuchiez	301.55	302.40
Manteniment paramenta		77.00
Embelliment baselgia	604.60	475.20
Diversas expensas	183.15	268.75
Festividad da s. Antoni	792.00	657.30
<b>Total expensas</b>	<b>12'321.95</b>	<b>11'401.25</b>

<b>Entradas</b>		
Unfrendas cun statua da s. Antoni	4'655.79	5'840.30
Candeilas	6'568.35	6'812.05
Tscheins activs	814.31	940.00
Restituziun vischnaunca (electricidad tualetta)	300.00	300.00
Donaziun tetg-baselgia e fatschada		13'696.00
<b>Total entradas</b>	<b>12'338.45</b>	<b>27'588.35</b>

Total entradas	12'338.45	27'588.35
Total expensas	12'321.95	11'401.25
<b>Surpli entradas/expensas</b>	<b>16.50</b>	<b>16'187.10</b>

**Bilanza per ils 31 da december 2018**

<b>Activas</b>	<b>31-12-2018</b>	<b>31-12-2017</b>
Conto da commembers nr. 12642.73	57'678.99	56'827.93
Conto current nr. 12642.92	18'065.84	18'863.65
Daner a termin nr. 12642.55/1802, 0.625%, scadenza 2019	100'000.00	100'000.00
Daner a termin nr. 12642.55/1645, 0.200%, scadenza 2023	60'000.00	60'000.00
Assegn Banca Raiffeisen Cadi nr. 1480	200.00	200.00
Taglia anticipada	264.95	301.70
<b>Total activas</b>	<b>236'209.78</b>	<b>236'193.28</b>

<b>Passivas</b>		
Capital agen	236'193.28	220'006.18
Gudogn	16.50	16'187.10
<b>Total passivas</b>	<b>236'209.78</b>	<b>236'193.28</b>

*Cavardiras, ils 6 da schaner 2019*  
*ugadessa-caplania*  
*Alexa Schuoler-Mathiuot*

## Facultad dils fondos da baselgias e capluttas

	31-12-2018	31-12-2017
<b>Baselgia parochiala s. Gion Battesta</b>		
Ugau: Romeo Schmed		
Fondo baselgia	98'846.99	102'342.09
Fondo messas fundadas	214'581.54	224'049.94
<b>Baselgia s. Placi</b>		
Ugau: Romeo Schmed		
Fondo baselgia	32'420.20	31'182.85
<b>Baselgia s. Gada</b>		
Ugau: Romeo Schmed		
Fondo baselgia	320'162.59	318'549.04
<b>Baselgia da Nossadunna, Acletta</b>		
Ugau: Corsin Maissen		
Fondo baselgia	35'457.16	35'395.45
<b>Baselgia s. Bistgaun e s. Roc, Segnas</b>		
Ugau: Gion Tenner		
Fondo baselgia	233'268.64	237'940.73
Fondo messas fundadas	62'746.10	63'480.05
<b>Caplutta Sontgaclau e s. Silvester, Mumpé Tujetsch</b>		
Ugau: Sigisbert Manetsch		
Fondo caplutta	31'775.28	33'030.30
<b>Caplutta s. Valentin e s. Brida, Mumpé Medel</b>		
Ugau: Baseli Jacomet		
Fondo caplutta	21'776.35	22'187.55
<b>Caplutta s. Antieni, Pardomat</b>		
Ugau: Marcel Steger		
Fondo caplutta	17'320.26	17'361.80
<b>Caplutta s. Leci e s. Bonaventura, Disla</b>		
Ugau: Max Deplazes		
Fondo caplutta	3'116.46	2'941.21



	<b>31-12-2018</b>	<b>31-12-2017</b>
<b>Caplutta s. Giachen e s. Onna, Cuoz</b>		
Ugau: Adrian Deflorin		
Fondo caplutta	30'854.71	34'740.50
<b>Baselgia s. Antoni, Cavardiras</b>		
Ugadessa: Alexa Schuoler		
Fondo baselgia	236'209.78	236'193.28
Fondo messas fundadas	30'661.89	29'986.40

## Rapport dils revisurs

Ella seduta dils 8 da fevrer 2019 havein nus, tenor incarica digl artechel 28 dalla constituziun dalla Pleiv s. Gions, repassau ils quens ed il menaschi finanziel dalla pervenda, dallas baselgias e dallas capluttas dalla Pleiv s. Gions per igl onn 2018.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris
  2. Ils saldis da cassa e contos da banca corrispundan culs attests mussai ora
  3. Las vaglias cudischadas ein avon maun
  4. Las expensas ein fatgas tenor conclus dalla radunonza generala sin fundament dils preventivs
- Las ulteriuras expensas ein vegnidas decididas dalla suprastonza tenor las cumpetenzas dalla constituziun

Sin basa da nossas controllas fagein nus alla radunonza generala las suandontas propostas:

- a) d'approbar la bilanza ed il quen administrativ per ils 31 da december 2018 dalla pervenda, dalla baselgia parochiala s. Gions, dallas caplanias Segnas e Cavardiras e dallas capluttas tenor las cefras presentadas,
- b) da dar scarica alla suprastonza ed als funcziunaris,
- c) d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

*Disentis/Mustér, ils 8 da fevrer 2019*

*Ils revisurs*

*Claudius Berther*

*Pirmin Monn*

Il Cussegl pastoral enquera adina puspei personas ch'ein prontas da segidar e s'engaschar per nossa pleiv. Interessentas ed interessents san s'annunziar directamein tier la presidenta dil cussegl ni tier il secretariat da nossa pleiv. Nus selegrein da mintga maun che segida cun nus.

## Preventiv dalla pervenda per 2019

Expensas	2019	Quen 2018
<b>Salaris pleiv Mustér</b>	<b>220'500.00</b>	<b>267'837.25</b>
Salaris augsegners	43'000.00	61'866.80
Salaris persunal gidonter	65'000.00	72'391.50
Substituziuns	20'000.00	16'464.00
Giuventetgna CADI	12'500.00	12'124.90
Contribuziun per ductrina	45'000.00	66'789.80
Fotocopias scola Mustér	1'000.00	626.00
SVS assicuranza sociala	14'000.00	12'048.90
Indemnisaziun suprastonza	11'000.00	11'195.00
Segiradas d'accident e malsogna	3'000.00	2'207.15
Cassa da pensiun	6'000.00	7'733.45
Instrucziun da lungatg		756.15
Cudischets d'oraziun		3'633.60
<b>Contribuziuns</b>	<b>19'000.00</b>	<b>13'787.50</b>
Diversas contribuziuns	4'000.00	787.50
Baselgia s. Gions	8'000.00	8'000.00
Contribuziun al cussegl pastoral	4'000.00	4'000.00
Contribuziuns instituziuns culturalas	3'000.00	1'000.00
<b>Casa pervenda/schischom</b>	<b>71'800.00</b>	<b>62'236.65</b>
Manteniment casa pervenda	55'000.00	11'773.30
Mobiliar ed indrez	3'000.00	174.50
Taxas annualas	2'000.00	1'306.95
Manteniment indrez	5'000.00	975.90
Electricidad casa pervenda	1'500.00	900.20
Ieli casa pervenda	4'000.00	4'140.40
Segiradas casa pervenda	1'200.00	919.30
Segiradas e cuosts schischom	100.00	46.10
Renovaziun casa pervenda		42'000.00
<b>Caplania Segnas</b>	<b>26'800.00</b>	<b>22'761.35</b>
Salaris persunal gidonter	21'200.00	20'593.45
Diversas taxas annualas	800.00	739.75
Segiradas casa pervenda	800.00	652.45
SVS assicuranza sociala	750.00	678.60
Segirada d'accident e malsogna	250.00	97.10
Manteniment casa pervenda	3'000.00	

<b>Expensas</b>	<b>2019</b>	<b>Quen 2018</b>
<b>Caplania Cavardiras</b>	<b>16'000.00</b>	<b>13'021.25</b>
Salaris augsegners	1'000.00	
Salaris persunal gidonter	11'000.00	10'885.00
Diversas taxas annualas	600.00	634.60
Segirada casa pervenda	250.00	213.95
SVS assicuranza sociala	100.00	60.55
Segirada d'accident e malsogna	50.00	46.95
Manteniment casa pervenda	3'000.00	1'130.20
Electricidad e manteniment tualetta		50.00
<b>Diversa</b>	<b>21'800.00</b>	<b>19'337.06</b>
Material da biro	2'000.00	479.25
Apparaturas da biro	1'000.00	1'218.00
Indrez da fotocopiar	2'000.00	1'664.00
Access internet	2'200.00	1'626.35
Spesas da banca	200.00	135.05
Telefon	1'000.00	750.00
Francaturas, porti	1'200.00	368.80
Divers regals / occurrenz	2'000.00	3'389.35
Donaziuns	1'000.00	500.00
Rapport annual	2'200.00	2'381.90
Archiv	1'000.00	1'290.00
Radunonza generala	2'500.00	1'516.55
Diversas expensas	3'000.00	1'855.81
Taxas radio e televisiun	500.00	303.55
Manteniment baselgia s. Gions		447.90
Indrez localitad Sut Gliendas		1'410.55
<b>Total expensas</b>	<b>375'900.00</b>	<b>398'981.06</b>

<b>Entradas</b>		
<b>Taglias / contribuziuns</b>	<b>373'200.00</b>	<b>397'769.75</b>
Taglia pleiv	300'000.00	323'476.25
Cantun Grischun taglia alla fontauna	30'000.00	32'672.50
Baselgia catolica dil cantun Grischun	42'000.00	41'621.00
Pleiv Medel per ductrina	1'200.00	

<b>Entradas</b>	<b>2019</b>	<b>Quen 2018</b>
<b>Tscheins</b>	<b>4'400.00</b>	<b>4'658.25</b>
Tscheins activs	50.00	248.80
Tscheins casa pervenda Cavardiras	3'600.00	3'600.00
Tscheins schischom	650.00	638.00
Diversas entradas	100.00	171.45
<b>Total entradas</b>	<b>377'600.00</b>	<b>402'428.00</b>
Total entradas	377'600.00	402'428.00
Total expensas	375'900.00	398'981.06
<b>Surpli entradas</b>	<b>1'700.00</b>	<b>3'446.94</b>

*Mustér, ils 8 da fevrer 2019*  
*ugau-pervenda*  
*Willi Lozza*

## Preventiv dalla baselgia parochiala s. Gions per 2019

<b>Expensas</b>	<b>2019</b>	
Uorden per il survetsch divin	2'500.00	4'579.10
Embelliment dalla baselgia parochiala	2'500.00	3'422.15
Assicuranza da baghetgs, inventar e responsabladad	5'500.00	5'453.55
Energia, scaldament e glisch	7'000.00	7'798.40
Publicaziuns, cudischs	1'700.00	2'302.45
Abonnamentals per manteniment d'apparaturas	1'000.00	473.00
Honorar ordinaturs	800.00	925.00
Contribuziun chor baselgia	2'000.00	2'000.00
Taxas da rumien, canalisaziun, aua e fiug	2'200.00	2'202.75
Reparaturas e manteniment	5'000.00	7'202.35
Tscheins per il local ella casa Sut Gliendas	3'000.00	3'000.00
Contribuziun ministrants	500.00	500.00
Diversas expensas	1'000.00	188.50
<b>Total expensas</b>	<b>34'700.00</b>	<b>40'047.25</b>
<b>Entradas</b>		
Unfrendas	15'500.00	13'802.15
Donaziuns	0.00	500.00
Contribuziun Pleiv s. Gions	8'000.00	8'000.00
Fondo messas fundadas	10'000.00	12'800.00
Tscheins dretg alp Cristallina	350.00	250.00
Diever baselgia, concerts etc.	500.00	150.00
Tscheins da capital	500.00	585.00
Restituziun taglia anticipada	300.00	315.00
Diversas entradas	0.00	150.00
<b>Total entradas</b>	<b>35'150.00</b>	<b>36'552.15</b>
Total entradas 2019	35'150.00	36'552.15
Total expensas 2019	34'700.00	40'047.25
<b>Surpli entradas 2019</b>	<b>450.00</b>	<b>-3'495.10</b>

Mustér, ils 5 da december 2018  
 uġau-baselġia  
 Romeo Schmed

## Fixaziun dil pei da taglia per 2020

La suprastanza dalla Pleiv s. Gions ed ils revisurs da quen proponan alla radunonza generala dalla Pleiv s. Gions/Mustér da fixar il pei da taglia sco suonda:

Per igl onn 2020 duei il pei da taglia restar sco per 2019 sin 12% digl importo dalla taglia semplu dil cantun.



*Il 26 d'ost 2018 ha l'unìun dils exgardists dalla Svizra orientala salvau sia radunonza generala a Mustér.*

## Officials dalla Pleiv s. Gions

1.	Suprastonza	
	Tuor Aldo, president	
	sur Georg Changeth, plevon (ex off.)	entochen ils 31-8-2018
	Tenner Gion, vicepresident ed ugau-baselgia Segnas	
	Lozza Willi, ugau-pervenda	
	Schmed Romeo, ugau-baselgia s. Gions	
	Jacomet-Lombriser Jacinta, presidenta cuss. pastoral	
	Schuoler Alexa, ugadessa-baselgia Cavardiras	

2.	Revisurs da quen	
	Berther Claudius	
	Monn Pirmin	

3.	Ugaus-caplutta	
	Acletta	Maissen Corsin
	Cuoz	Deflorin Adrian
	Disla	Deplazes Max
	Madernal	Claustra Mustér
	Mumpé Medel	Jacomet Baseli
	Mumpé Tujetsch	Manetsch Sigisbert
	Pardomat	Steger Marcel
	Sogn Placi	Schmed Romeo
	Sontga Catrina	Condrau Giusep
	Sontga Gada	Schmed Romeo

4.	Commembers dil cussegl pastoral	
	<i>1. Comite</i>	
	Jacomet-Lombriser Jacinta, presidenta	
	sur Georg Changeth, plevon (ex off.)	entochen ils 31-8-2018
	Lozza Willi, vicepresident	
	Huonder Irene, cassiera	
	Schnoz Laurenzia, assessura	
	Tschuor Angelina	
	Zanin Jolanda	
	<i>2. Cerchel liturgic</i>	
	Buschor Josef	
	Caduff-Kneidinger Giusep	
	Lutz Baseli	





*Igl altar dalla caplutta da Disla*

*La litteratura davart ils beins sacralis descriva igl altar dalla caplutta da Disla mo superficialmein. Pader Theo dalla claustra da Mustér ei segidaus da cumpletar la descripziun:*

*Il maletg digl altar muossa da vart dretga s. Glieci, ornaus cullas insignas d'in retg (cruna, manti da hermelin, scepter, meil imperial e spada), mo era culla frastga-palma tenor la tradiziun legendaria.*

*Da vart seniastra sesanfla s. Bonaventura, il successur da s. Francestg d'Assisi. El ei vestgius cun cutta franciscana brina, sughet e sandalas e porta ina tonsura. 1273 eis el daventaus cardinal. Il pluvial sco era la capetscha purtada digl aungel muossan quei.*

*La declaraziun dil maletg stat sur l'entrada dalla caplutta: DEDICATIO HUIUS ÆCLESIAE SS. LUCY AC BONAVENTURÆ CELEBRATUR SINGULIS ANNIS DOMINICA 2A OCTOBRIS. QUÆ ÆCLESIA CONSECRATA FUIT ANNO DOMINI 1704 (La consecraziun da questa baselgia da s. Glieci e s. Bonaventura vegn festivada mintg'onn la secunda dumengia d'october. La baselgia ei vegnida consecrada igl onn 1704).*

*Igl uoppen denter aungel e s. Glieci ei igl uoppen dils Franciscans e muossa il maun niu da Jesus cruschaus cun quel da s. Francestg. Omisdu portan il stigmata, las plagas dil Cristus crucifigau.*

[www.pleivdisentis.ch](http://www.pleivdisentis.ch)

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nosa pleiv.

## Register

Invitaziun alla radunonza generala dalla Pleiv s. Gions/Mustér	1
Protocol dalla radunonza generala dils 17 d'avrel 2018	2
Protocol dalla radunonza extraordinaria dils 27 da november 2018	7
Rapport dil president	10
Rapport dil cussegl pastoral	14
Quen dalla pervenda s. Gions per 2018	21
Bilanza dils 31 da december 2018	23
Quen dalla baselgia parochiala s. Gions 2018	24
Bilanza per ils 31 da december 2018	25
Quen dalla baselgia s. Bistgaun e s. Roc Segnas 2018	26
Bilanza per ils 31 da december 2018	27
Quen dalla baselgia s. Antoni Cavardiras 2018	28
Bilanza per ils 31 da december 2018	29
Facultad dils fondos da baselgias e capluttas	30
Rapport dils revisurs	32
Preventiv dalla pervenda per 2019	33
Preventiv dalla baselgia parochiala s. Gions per 2019	36
Fixaziun dil pei da taglia per 2020	37
Officials dalla Pleiv s. Gions	38



**P.P.**

CH-7180

Disentis/Mustér